



Vericht

Des Fürstlichen Württembergischen
Wunderbads vnd Brunnen zu Boll/ So durch den Hoch-
gelehrten vnd berühmten Herrn Joannem Bauhinum/ der Arzney
Doctorn/ ihrer F. Gnaden Leibargten beschriben:
In Reimen verfasst/

Durch

M. Johannem Schatz/ Pfarrhern
zu Holzheim.

Sie als die Höchste Mayestat/
Himmel vnd Erd erschaffen hat.
Sonn Mon vnd Stern das Firmament/
Vnd was mann auff dem boden findt.
Zu leisten auch nach allen sachen/
Gesprochen last vns Menschen machen.
Die formiert er nach seinem bilde/
Erzeigt damit sein güte mildt.
Setzt den Menschen ins Paradeis/
Erlaubt im auch mit allem fleiß.
Das er über als in gemein/
Im Paradeis soll meister sein/
Allein soll er an disem ort/
Fleißig gehorschen Gottes wort.
Des Baums des wissens müßig gehn/
Sonst würd sein sach baw sellig stehn.
Zu dem so drawt im Gott zur sach/
Wil Herkenleid vnd vngemach.

(:)

So

So er nit wird ghorchen der stift/
Das er in straffen wöll in griff.
Aber durchs teufels trug vnd list/
Adam in dsünd gefallen ist.
Vnd hat sich nit allein verderbt/
Das Menschlich Gschlecht hats von im g'erbt.
Das es mit jammer vnd Ellend/
Hie würdt getrucket ohne End.
In sonderheit mit Kranckheit schwer/
Die im zu schieket Gott der Herz:
Durch welche der Mensch auff der bahn/
Täglich vnd vil würdt griffen ahn.
Bis das er endlich durch den Tod/
Erledigt würdt auß aller noth.
Aber in diser Straff behend/
Die Göttlich gnad sich zu im wende.
Läßt wachsen auß der Erden fren/
Vil guter nutzlicher Arsney.
Dann kein Kreutlin erfunden würt/
Das sich zur Arsney nit gebürt.
Insonderheit hat Gott der Herz/
Geben vil heilsamer Bäder.
Vsonders in disem Herzogthumb/
Haben wir sie in guter sumb.
Die sein nun auß der massen gut/
Wie die erfahrung geben thut.
Zu Göppingn fleußt ein Sawrbrunn fein/
Zu trincken vnd zum baden gemein.
Es trincken in hoch vnd nider/
Gibt den Leuten jr gsundheit wider.
Diser Brunn bekompt mir sehr wol/
Darumb ich in dann gar offt hol.

Durche

Durchs Wildbad vil Leut gesund werden
Die sonst lagen in der Erden.
Zu Welken hats ein Bad des gleich/
Da baden beides arm vnd reich.
Das Zellerbad gibe frischen mut/
Das Serobad d'runden heilenthut.
Thonacherbad gefelt wir wol/
Das Blesibad man loben sol.
Vnd was dergleichen Bäder mehr/
Die vnser gnediger Fürst vnd Herz.
Im Herzogthumb gar löblich hat/
Vil kosten drauff wende frü vnd spat.
Vber die hat der löblich Fürst/
Den stets nach löblichkeit getürst.
Ein newes Wunderbad angericht/
Zu Doll (welchs ich selbs hab besicht.)
Vnd solchs allein auß freyen muth/
Den armen vnderthanen zgut.
Vnd das menniglich in der zeit/
Gedienet werde weit vnd breit.
Darauf mann dann abneihen kan/
Sein Fürstlich gmüt ganz lobesan.
Dann ire Fürstlich Gnaden schon/
Haben ein schweren bau gethon.
Welcher nun albereit ist außgeführt/
Ein mercklich summa Belts berürt.
Vnd solchs dir mir ja alln zu gut/
Damit (doch vns Gott alle b'hüt.)
So wir von Kranckheit heim gesucht/
Zu disem Bad hetten zusucht.
Wer wolt dann nit irn Fürstlichn gnaden/
Warnen vnd wenden allen schaden.

(:) ij Dann

Dann vber alle gutthat groß/
De wir erlangen ohn abloß.
Ist diß fürwar die gringste nicht/
Die vns durchs Wunderbad geschicht.
Nicht allein disem Herzogthumb/
Sondern gantz Teutschland in der sum.
Wirdt durch des Fürstlich Wunderbad/
Gewendet werden mancher schad.
Darumb jr Vnderthan all san/
Nimpt Ewers Hersog gutthat an.
Stehe auff du werdes Teutsche Land/
Beut vnserm Hersog deine hand.
Danck jm für dises Wunderbad/
Das durch jr Fürstlichen Gnaden stath.
Gott wöll jrn F. Gnaden gut/
Allzeit halten in seiner hut.
Sampt dero Fürstlichen gemahl/
Auch Junger Herrschafft guter zahl.
Auch den Fürstlichen Fräwlein fein/
Die des Lands Wirtembergs schuß sein.
Ein löblich Bad würd werden daß/
Zu loben ist ohn alle maß.
Vnd ob wol solchs von alters her/
Etlicher massen bekantt wer.
Jedoch wirts erst werden bekantt/
Durch Doctorn Joann Bauhin gnannt.
Der jrn Fürstlichen Gnaden zwar/
Leibdoctorn war vil lange jar.
Disem berümpften glehrten Mann/
Jr Fürstlich Gnaden fürstlich han.
Von Mümpelgart her gfordert nun/
Daß er sein bestes solle thun.

Das

Vnd schawen fleißig zu der sacht/
Was man bey disem Brunnen mach.
Das soll er beschreiben alles sampt/
Damits mániglich werd bekant.
Diser brúmbt Mann oben genant/
Nam diß Werck gwalstig vnder d'hand.
Beschreibs in Lateinischer Sprach/
Damit aller die Teutschen auch.
Solchs Wunderbads vnd ganser gschicht/
Hetten ein guten satten berichte.
Thut ers verteutschen alles sampt/
Zu dienst dem werden Teutschenland.
Der Hoch glehrt Mann durch seine kunst/
Hat laboriert vnd nit vmb funst.
Sonder bey disem Wunderbrunnen/
Bil seltsam stein vnd sachen funden.
Die all auß disem Brunnen kamm/
Ich wils nennen mit iren namn.
Schiferstein mancher form vnd gstat/
Die all artlich sein abgemahlt.
Etlich den Schlangen sehen glich.
Etlich den Schnecken ganz ehnlich.
Etlich schier Menschen Gesicht han/
Sichts einer mit verwundern an.
Fewrstein ein ander vngelich/
Schnecken ganz wunderbar greißlich.
Belemnitem sonst Albschhof genant/
Hab ich selbs ghabt in meiner hand.
Spah wies die Erzknappen nennen/
Ist auch im Brunnen gewesen drinnen.
Wech drauß mit hauffen gnommen ist/
Welchs man noch sind zu diser frist.

(:) iij Augstein/

Augstein/Salz/Schwefel anders meh?
Ist gefunden worden nach der schwer.
Es ist als ist durch den berümbten Mann
Gefunden vnd probieret schon.
Durch distillation vnd sunst/
Nach löblicher vnd werder ku st.
Vnd das ein sondere Gottes gn ad ist/
In diesem Mann zu diser fri z.
Das er solch Metall vberal/
Vnd was sie für wasser ohn zal.
In sich begreiffen hat probiert/
Wie in diesem Buch gefunden würt.
Vnd damit nun sehr seinen fleiß/
Zu vnser Herzhogs lob vnd preis.
Hat er darinn sein fleiß gethan/
Die Badteut selbs gesprochen an.
Examiniert/vnd geschriben zusam/
Ein ganz weitleuff historiam.
Wie es sey gangen in dem baden/
Ob sie sein heil von frem schaden.
Da hats sichs funden guter massen/
Das bey jnen hab nach gelassen.
Darumb man dann in diß schreiben/
Deß bades lob thut hefftig treiben.
Wie heilsam glegen sey das Bad/
Wies einem nutz dem andern schad.
Vnd was das für ein lustig ort/
Zeigts es als an von wort zu wort.
Das es groß krafft vnd würckung hab/
Ist darbey leichtlich zunehmen ab.
Dann die Metall die krefften han/
Deß sie ein Menschen heilen than.

Darzu

Darzu die erfahrung wie gmet/
Disem erfahrenen Herrn bey Felle.
Darumb er auch durch all glidmaß/
Anzeigt wie vns da helffe das.
Vnd wer des Bads soll müßsig gahn/
Mit fleiß solchs weit gezeiget an.
Vnd so jemand will brauchen S'bad/
So find er hie auch guten rath.
Was man muß thun/ vor/in vnd nach/
Das einr nit komm in vngemach.
Wie man den Dampf soll fahen auff/
Ein wenig oder auch mit hauff.
Dessen hat man hie guten bricht/
Wie man in der Histori sicht.
Vnd so jemand an einem glid/
Nit hette weder rum nach frid.
Wie solcher nit mit ganzem Leib/
Soll baden das ers von im treib.
Sonder daß er das glid allein/
Könt wider baden hüpsch vnd rein.
Nämlich durch dämpff vnd durch den trauff/
Die man artlich wirdt fahen auff.
Wie denn der augenschein wirdt geben/
So vns Gott wirdt fristen s'leben.
In summa nichts vergessen ist/
Das nit auff's best werd zugerist.
Weiter bschreibt diser brümbte Mann/
Das Wunderbad ganz lobesan.
Was es darumb für glegheit hab/
Wies auch sein artlich gemahlt ab.
Durch Figur vnd Historiam/
Ist alles sein artlich bey sam.

(:)

iiij

Was

Was für Städt/Schlösser/Dörffer sein/
Hierumb in diser gegend sein.
Vnd für ghehrter Arzt da hab/
Ist alles lustig bildet ab.
Vnd was für Apotecer frey/
Man haben könn zu der Arzney.
Würde künfftigen Badleuten zgüt/
Gans eygentlich hie gführt zu gmit.
Auf welchen allen jederman/
Jezund gar leichtlich sehen kan.
Was diser Hochglert Medicus/
Geleisset habe ohn verdruf.
In diser gegend Kraut vnd Frucht/
Ist als von im worden durchsuche.
Von Obs Apffel/Birn vnd dergleichen/
Als wenn er selzams mögn erschleichen.
Ist bschriben vnd abgmahlet wol/
Vnd deß ein ganz Register vol.
Von Vögeln vnd andern Thier.
Hat er nichts vberglassen schier.
Das ers nit alls er kundigt wol/
Drumb man in billich loben soll.
Als der ein brümbter Physicus/
Ab disem allm hat kein verdruf.
Vnd so ich solchs fleissig betracht/
(All Medicos doch vnveracht.)
Halt ich nie das seins gleichen sey/
So wol erfahrn in der Arzney.
Philosophus Erimius/
Ist diser Hochgehrt Medicus.
Welches denn leichtlich jederman/
Auf disem Buch wol verstehn kan.

Vnd

Vnd das diß Wunderbad vnd Brunnen/
So klärlich kompt an diße Sonnen.
Da dancken wir erstlich Gott drum/
Nachmals auch vnserm Herzog frumb.
Zum dritten disem Medico/
Ders alles hat bschriben also.
Damit es auch in alle Land/
Durch diß schreiben wird wol bekant/
Diß Wunderbad so gerecht vnd gut/
Zu loben hab ich meinem mut.
Dann ich nit halt das diser stund/
Ein Bad werd funden so gesunde.
Wie diß Bad ist zu diser zeit/
Wenn einr reist in all hundert weit.
Dann weil es auß so vil Met all.
Zu sammen fleisset vberall.
Welche alle als mittel ganz eben/
Zu der gsundheit von Gott gegeben.
Kan es nit fehlen in gemein/
Es muß ein heilsams Wasser sein.
Vnd weil die arme Leut jekund/
Die baden auff die jekig stund.
Oder trincken des Wassers nun/
Werden fertig vnd gsund darumb.
Was meine einer das wol werd gschehn/
Wann diß end krefftig wirdt angehn.
Da man nit vnderm Himmel dauß/
wirdt baden/sonder im Badhaus.
Da alle glegenheit wirdt sein/
Auff aller best erbawen sein.
So wir d'legenheit sehen an/
Solchs rings herumb ein weiten plan.

(:) v

Ein

Ein lust von aichen beßgleichen nicht/
Bald gläsen wirdt in einer gschicht.
Ir J. Gnaden habn goordnet fein/
Ein Lustgarten zmachen dahin.
Da dann jezund die Badleut gut/
Vil kurzweil finden vnd irn mut.
Köng Artt hof im weichen wärde/
So es vollend wirt außgeführt/
Wie es ir J. Gnaden gut/
Machen zu lassen han ein mutz.
Das Badhaus eben ist gwehlbt/
Auff schönen Stein in Seulen gsetzt.
Drey Kessel groß es drinnen hat/
Darauf man warm wirdt giessen an.
Ein schön Wirtshaus ist dran gebawt/
Das einer gern mit augen schawt.
Da wirdt eim jeden geben ein/
Sein gmach/Stüblein vnd Kämmerlein.
Dann wo kein rechtes Wirtshaus ist/
Da ist's gefelht zu diser frist.
Gossag ich auch bey meinen End/
Wirts da gebn gut schnabelweid.
Darzu dann wirdt vil helffen thon/
Das in der nähen vil Stätt stohn.
Vnd vil statlich flecken darzu/
Da man wirdt dapffer ohne ruh.
Zu führen/tragen/nach der schwer/
Alles was nun ist dein beger.
Wirst du bey disem Wunderbad/
Finden vnd haben durch Goetts gnad.
Dann glegenheit die gibts an d'hand/
Dergleichen kaum ist in dem Land.

Apotecke

Apotecker vnd Medicos/

Hastu schier ligen in der schoß.
Vep welchen du kanst finden rath/
So dir das Bad nit recht zu staht.
Sohan jr Fürsilichn gnaden nu/
Geben ordnung vnd gfas darzu/
Wie sich beydes junge vnd die altn/
Sos Bad gebrauchen sollen halten.
Damit Gottseligkeit geübt/
Vnd sonst niemand auch werd betrübt.
Was mehr diß bades nutzbarkeit/
Sampt andern werd jr finden bscheid.
In disem Buch so diser frist/
In offnes trucken geben ist.
Gott wöll jrn J. Gnaden eben/
Frid geben vnd lang lassen leben.
Das sie vil lust vnd wohne schaw/
Im Herzogthumb vnd disem baw.
Der darauff ist gesehen an/
Das sie darmit dien jederman.
Dich bitten wir O höchster Gott/
Der du vns allein hilffst auß noth.
Vhüt vns vor allem vbel wol/
Sos aber nach dem willen sein sol.
Dah wir mit Kranckheit werden gschlagt/
Mit mancherley feuchen vnd plagn.
Dah wir diß Bads gebrauchen müssen/
Laß du vns solches wol erschießen.
Gib beedes Krüppel vnd den Lahmen/
Die gesundheit wündsich ich allen/ Amen.

Faint, illegible text, likely bleed-through from the reverse side of the page.